

Lebih 2,000 graduan terima ijazah, diploma sempena Istiadat Konvokesyen PUO

Aida Aziz

Ogos 27, 2022 10:10 MYT



Istiadat Konvokesyen Politeknik Ungku Omar (PUO) ke-50 diadakan bermula 22 hingga 26 Ogos. - Astro AWANI

IPOH: Seramai 2,470 graduan menerima ijazah, diploma dan sijil kemahiran khas pada Istiadat Konvokesyen Politeknik Ungku Omar (PUO) ke-50 di sini, bermula 22 hingga 26 Ogos.

Konvokesyen yang pertama kali dijalankan secara bersemuka di Dewan Jubli PUO selepas fasa pandemik itu, menyaksikan seramai 2,417 graduan daripada peringkat Diploma, 50 Ijazah Sarjana Muda dan tiga untuk Sijil.

Unit Komunikasi Korporat PUO menerusi kenyataan memaklumkan, graduan terbabit merupakan mereka yang telah menamatkan pengajian pada sesi Disember 2020 dan sesi Jun 2021.